



Broj: 07-11-516/23
Vogošća, 03.05.2023. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 03.05.2023. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA
UCJEVLJENJU SUHOG POTOKA**

Član 1.

Ponuda ponuđača "Telefongradnja" d.o.o. Sarajevo, ulica Industrijska broj 12. Hadžići, odabrana je za izvođenje radova na ucjevljenju Suhog potoka, kao jedina formalno-pravno prihvatljiva ponuda, sa ponuđenom ukupnom cijenom nabavke u iznosu od 9.998,00 KM bez uračunatog PDV-a, odnosno 11.697,66 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 04.04.2023. godine donio Odluku o pokretanju Otvorenog postupka nabavke radova na ucjevljenju Suhog potoka, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 05.04.2023. godine pod brojem: 1353-1-3-48-3-65/23.

Sažetak Obavještenja o nabavci objavljen je u "Službenom glasniku BiH" broj: 24/23 od 07.04.2023. godine.

Tendersku dokumentaciju sa Portala javnih nabavki BiH je preuzelo 12 (dvanaest) ponuđača. Krajnji rok za dostavu ponuda bio je 27.04.2023. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 27.04.2023. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-516/23 iz aprila 2023. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Telefongradnja" d.o.o. Sarajevo	9.998,00	/	/	11.697,66
2	"Ame" d.o.o. Breza	13.637,00	/	/	15.955,29

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Telefongradnja" d.o.o. Sarajevo i
- "Ame" d.o.o. Breza

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Na osnovu iznesenog, obzirom da je procijenjena vrijednost nabavke utvrđena TD i kroz Obavještenje o nabavci u iznosu od 10.000,00 KM bez uračunatog PDV-a, Komisija za javne nabavke je utvrdila da je Ponuda ponuđača "Ame" d.o.o. Breza u skladu sa članom 2. stav I) Zakona o javnim nabavkama BiH kao i članom 8.1.6. TD neprihvatljiva, jer ponuđena cijena ponude prelazi planirana, odnosno osigurana novčana sredstva ugovornog organa za nabavku.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14 i 59/22), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Telefongradnja" d.o.o. Sarajevo, za izvođenje radova na ucjevljenju Suhog potoka, kao jedine formalno-pravno prihvatljive ponude, sa ponuđenom ukupnom cijenom nabavke u iznosu od 9.998,00 KM bez uračunatog PDV-a, odnosno 11.697,66 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo



OPĆINSKI NAČELNIK

Migdad Hasanović
Migdad Hasanović

Dostavljeno:

1. "Telefongradnja" d.o.o. Sarajevo
2. "Ame" d.o.o. Breza
3. Nadležnoj Službi
4. U dosije
5. a/a

info@telefongradnja.ba
ame@bih.net.ba